



Орган Лемковского Союза.

Выходит в каждый четверг.

Редакция и администрация в Крынице. Адрес: Лемко, Крыница.

Пренумерата в краю:

50 грошей місячно,
2,50 зл. полрочно,
5 зл. річно.В Америці: 1 дол. полрочно,
2 дол. річно.В Чехословаччині:
3 кор. місячно, 15 кор. полрочно,
30 кор. річно.

Кonto ченовое Нр. 404.155.



НАД СВИЖОМ МОГИЛОМ.

Дня 15. т. м. радио рознесло по цілій Польщі сумну вість, же в Варшаві лал от кулі невіданого преступника
МИНИСТЕР ВНУТРЕННИХ ДІЛ

бл. п. Бронислав Перацкый

Вість тота летом блискавиці розишлася по нашой Лемковщині. Каждый с нас, хто знал бл. п. министра Перацкого и знал, чим он был для нас страя ся от той вісти и почув, же стало ся велике несчестя и же мы стратили барз дуже. Пок. мин. Перацкый был другом руского народа, был опекуном близкой его серцю Лемковщины. Уродженый в р. 1894. от малого знал наш народ и все интересовался Его судьбом. На лаві школьной сидил он с нашими учениками и узлы дружбы и приязни яки завязал со своим товарищами лишили ся до конца его трудолюбивого житя.

Яко молодой ученик гимназии, полный любви до своего народа и его независимости вступил он до легионов, шобы вести дорбу за освобождение польского Народа. Раненый килька раз в боях остал ся по войні с рангом полковника в польской армии. Яко оден с найспособнейших офицеров тішыл ся полным довірєм Маршалка Пилсудского, котрый знаючи великий ум и характер Покойного поручил Ему вести справы звязаны с гражданском администрациом. Покойный перешол много ділов службы администратийной и от 4-ох літ справовал трудный и отвітственный пост министра внутренних діл.

В Его руках находила ся ціла внутренна политика державы во всіх своих отраслях. Живый и полный темперамента. Его характер и глубокий ум казали Ему интересовати ся всіма проявленями житя в державі. Особейно добре знал Он справы национальных и политичных течень в державі, но интересовали Его также справы школьництва, религии, господарства народного и діла самоуправления.

Не было в Польщі жадного важнійшого проявленя житя, о котром не знал бы пок. Министер, не было также одного живійшого человека, о котрого діяльности не зналбы Он.

Наши горы, наша Лемковина, интересовали Его, яко земляка и Он знал докладно, што в них творится. И коли по наших селах начала ся ширити с проповідальниц вражда и ненависть и спокойный народ вмісто двигатися культурно и економично, начал сварити ся пок. Министер знал о том и знал, чья то рука. — Коли наш народ, доведеный до роспуки неустаючом враждом и насильством, со стороны своих духовных пастыров, звернул ся до верховных властей духовных о освобождение его спод оперы тых, котры вмісто слова Божого и братской любви сіют роздѳр и коли грозило

ище больше розбите народа, бо утеча с гр. кат. Церкви, втотчас Министер Своим могучим словом станул на сторону нашего народа. Он сказал перед Верховными, дух. Властями, што причина лежит не в народі а в вині пастырѣв и што нїт надїи на дальше сожитє. — Он попер перед дух. властями прошенє нашего народа о своего власного руского епископа. Дїло Апостолской Администрации для Лемковины, то дїло пок. Министра. В своих послїдствах оно для руского народа громадного значеня и оцїнят то дїло наступны поколїня.

Министер Перацкый, знаючи бїду нашего народа запроектовал на Лемковщинї много державных работ. Пере- довим мас ся перевести коштом державы много новых дорог, на котры державный скарб мас высигновати суму около 750 тисяч зл. Желаньєм пок. Министра было, штобы при роботах на тых дорогах достало заробкы передовсім наше руске місцеве населенє, Министер Перацкый зачеркнул Собї на будучнїсть великий плян економичной помочи нашому народови. — Всім подчиненым Собї староствам поручил Он предложити плян такой помочи, при чом звернул увагу на возможности устройства фаховых школ, господарчих курсов, курсов для газдынь. В розговорах с представителями нашего народа пок. Министер не раз высказал ся, што Он, наш непосредный сусїд и земляк, памятає Своє сусїдство, Свои молоды лїта и дружбу с нашими людми и в Своих наміренях не забуде нашей бїдной Лемковщины.

Он жадал от нас лояльного труда для Державы с котром случила нао исторїя и наше географичне положенє. — Примайте ся своего, не лежит в интересах и плянах державы сробити вас поляками, держава требує добрых и лояльных граждєв, а дрань будеме гнобити без огляду на его народность. То слова покойного Министра. И тот дрань перерїзала жизнь того выдаючогося Чоловіка.

Велика и Сильна Польша стратила в Нем Великого Мужа Стану и Организатора, мала и слаба Лемковщина страдала в Покойном своего доброго Друга и Опекуна. — Его слова останут нам в памяти, а Его память жива буде сарєм нас. Мы останеме ся вірны Его словам и заховаме о Нем

ВІЧНУЮ ПАМ'ЯТЬ!

Як убито Министра Перацкого.

НЕЗНАНИЙ СУБЕКТ СТІЛИЛ ДО МИНИСТРА
ТРИКРАТНО И ПОТРАФИЛ УТЕЧИ.

В пятницу дня 15./VI. о год. 4:20 на ул. Фоксаль перед домом клуба товариского dokonано замаху на входячого там на обїд министра спрає внутренних Бронислава Перацкого. Преступник отдал 3 стрїлы. Два стрїлы трафїли министра, котрый тяжко раненый, упал на землю. Преступник утек на ул. Тамка в направлении Вислы, ранил выстрїлом їмаючого его полицїянта, и счез. В той части міста заряджено облаву, але до того часу не поймано преступника. Министра перевезено до шпиталя уяздовского, где помер.

ПОДРОБНОСТИ ЗАМАХУ.

Министер, як каждого дня, так и в пятницу по урядованю выїхал автомобилем на ул. Фоксаль, на обїд до клуба товариского. Замаху dokonано втотчас, коли он ждал на открыте дверей. Втотчас подошел со заду преступник и отдал 3 стрїлы револьверовы. Перша куля перебила капелюх министра. Министер отвернулся и в том часї пал другой стрїл, по котром министр упал. Преступник выстрїлил ище третий раз до лежащего уже министра и потом скоро начал утекати.

Утекаючого преступника старал ся задержати сторож клуба, але тот загрозил ему револьвером и убїжал в сторону ул. Коперника, сошмаряючи с головы шапку. В шапцї той ест выпорота подшивка, штобы не довідано ся, где она купована. Преступник зробил то, штобы замазати слїды за собом. За утекающим погнал переходячий в том часї улицьом Фоксаль постерунковый Обрецкый.

Напастьник стрїлил до него и ранил его в руку. За ним пустили ся также други люды, але напрасно. — Видїли они его ище утекаючого ул. Фоксаль, наступно на ул. Коперника и Циглой, котра кончїтся огородами, опадаючими ку Вислї.

На тых теренах заряджено облаву полицїйну. На місци появили ся представители власти полицїйной и судебной и распочали енергичне слїдство.

Ряд лиц видїло утекаючого преступника. Стверджуют они, же был то молодой мужчина, о коротко пристриженных баусах, в одеждї спортивной и шапцї циклистов. Треба зазначити, же ул. Фоксаль хоц она ест бочном ул. Новый Свїт, ест улицьом барз спокойном и отлюдном. Клуб товариский мїстит ся, числячи от Нового Свїта, на концї короткой ул. Фоксаль и окруженный ест огородами японского посельства и дворца гр. Замоиского.

Преступник выбрал то место для того, бо огорода улекшали ему утечу. Мин. Перацкый от килькох роков їдал в Клубї товариском. Звычайно по законченю урядованя приїзжал самоходом на ул. Фоксаль и высїдал перед плотом, котрым ест огороженный невеликий огород, окружающий дом. Преступник ждал на министра коло того плота и пішол за ним килька кроков аж под сам дом, где убил министра. Раненого министра перевезено до уяздовского шпиталя в станї непритомном. Приступлено зараз до операции. Директор шпиталя Д-р Сокаловский в товариствї ассистентов старал ся выняти кулю.

Одна с куль сдерла лем верхну часть скоры на черепї и перешла через мушлю правого уха. Друга куля перебила череп в лївой части потыличной, перерїзала кырвоносну жилу, поводуючи упływ крви, перешла потом через лїву часть мозга и затримала ся под правом покрывом теменьовом черепа. Початково старанося о то, штобы затамовати кров. Погодишиє dokonано трепанации черепа и кулю выдобыто. Але стан здоровя министра

погоршал ся. Пульс ослаб. Пришол завозванный священник О. Скорель и удїлил конаючому Св. Тайн.

При одрї раненого был цїлы час вицеминистер просвїты Казимир Перацкый. О год. 5 мин. 20. почала ся агония. Мин. Перацкый непритомный сконал на руках брата, лїкара и О. Скореля.

На прах Его положено вязанку бїлых цвїтов. Внет приїхал полевой Епископ Д-р Гавлина, котрый отчитал над помершим коротку молитву.

Тлїнны останки перевезено до шпитальной костницї. О год. 8 веч. г-н премьер проф. Козловский, г-н министр Бек и вшиткы члены правительства пришли очередно до каплицї шпиталя уяздовского в котрой уставлено домовину с тлїныма останками бл. п. министра Перацкого, штобы отдати послїдний поклон и честь памяти жертвы морда.

С цїлого краю и с заграницї наплывають на руки правительства кондоленции по поводу убийства бл. п. министра. На вшиткых урядах вывїшено жалобны коругви. Похороны бл. п. Министра отбыли ся на кошт державы с почестями войсковыма.

До поры назначеня нового министра управляє министерством внутренних дїл лично г-н премьер проф. Д-р Леон Козловский. Слїдство над выкрытым преступником провадит министр справедливости Михаловский.

ЯК ВИГЛЯДАТ ПРЕСТУПНИК.

Преступник числит около 25 лїт. высокий на около 170 ст. худой, лице потягле о выразї интелігентном без зароста, без окуляров и без особенных знаков. Блондин, волосы зачесаны до горы, лице опаленє. Одїтый в дость долге пальто яне, зеленковате и беж-ясный капелюх. Пальто и капелюх сошмарил преступник на сходах 6-того по- верха в дому при улицї Окулярник Ч. 5.

Як с того видно, преступник вышел с дому, в котром жил в пальто и капелюху, по убийстві сошмарил пальто и ходил по міеті який-си час без капелюха, так віроятно вернул до дому.

Сто тисяц зл. нагороду за выкрыте убийці министра Перацкогo.

Министерство внутренних Діл вызначило нагороду 100.000 зл. за поймане убийці бл. п. министра Перацкогo, або за уділене информации, котры допровадят до его пойманя.

АРЕШТОВАНЫ.

В звязи с убийством бл. п. министра Перацкогo переведено ряд ревизии и арештовань по рижных місцевостях. Арештуют проваторов дакотрых политических групп, стремячих до выкликания авантур. В Н. Санчі арештовано килька лиц, а в псвіті горлицком арештовано также дакотрых украинцов, медже нима Д-ра Михаила Гыжу лікара с Высовы, Ваня Желела з Ропиці Руской, Ярослава Шавчука, студента со Смерковца и Ивана Хомяка, абсолювента гимназии. У Ваня Желела найдено револьверы, а также много паперу, с печатком Уряду громадского. Крім того переведено ревизии у студента Дудры, столяра Михалыка и теолога Дзюбины в Глядышові.

ДЕКРЕТ П. ПРЕЗИДЕНТА.

Варшава 18. VI. В полуде дня 18. VI. выдано Дневник Истав Нр. 50., в котром под позициом 473. выдруковано декрет Президента Річипосполитой, датованый с 16. V. т. р. в справі лиц, угрожающих опасности спокойови и порядку публичному.

Декрет ест выданный на основі арт. 44, зак. конституции и має силу закона.

Декрет превиджуе, же лица котрых діяльність або поведене дае основане до предположения же грозит с их стороны нарушене безопасности, спокою, або публичного порядка, могут быти притриманы и примусово помещены в місцях изоляцийных, не перезначенных для лиц засужденных або арештованных по поводу преступления.

Такое отособненне може быти выдано на три місяцы и продолжене на други три місяцы.

В місцях отособнення отособненным будут давати роботу, котру они сут обязаны выконувати.

Выконане того декрета поручено министру Внутренних Діл и министру Правосудия, Декрет обязуе от 18. VI, 1934.

ПОХОРОН БЛ. П. МИНИСТРА ПЬЕРАЦКОГО.

Похорон бл. п. министра Перацкогo отбылся во вторник дня 19. VI, в Новом Санчі. Тіло перевезено с Варшавы и уставлено в костелі фарном в Новом Санчі. Уж в понеділок сїхало до Санча много людей с цілой околиці. Приїхали также с Варшавы и Кракова представителі властей, котры взяли участь в похоронах. О год. 9 началось похоронне богослужене торжественном Службем Божим, отслуженом через полевого Епископа Кир Гавлину. В костелі выголосил прекрасну похоронну річ тарновский Епископ кир Лисовский. По Службі Божой вынесено тіло с костела. Члены Правительства и Товариши Покойного взяли тіло на плечи и положили на ляветі арматной, запряженной в чотыри пары коні и похоронный поход

двинул ся в направлении місцевого кладбища. На переді несено прапор Союза Лемков, за котрым поступали делегации и ряды священников, котрых было около двіста и медже котрыма были также рускы, я О. посел Яворский, О. Прислопский со Жегестова и О. Венгринович с Мохначкы.

За тілом покойного Министра ишла родина и Достойники державны, медже котрыма были: министр Михаловский, Енджеевич, Наконечников — Ключевский, Буткевич и Калининский, маршалкы Сейма и Сената: Свитальский и Рачкевич, генерал Кржеменский, вицемаршал Цар, подсекретары стану, воевода краковский Квасневский, куратор окр. шк. кр. Гodeцкий и дуже инших.

За достойниками державными ишли великы толпы народа. Належит зазначити, што относительно наибольше было наших Лемков. Поїзды, идучы от Крыниці были так переполнены, што много людей (около 2000) остало на станциях желізнодорожных. Видно с того, што народ наш, знаючи о том яку велику страту понес он через трагичну смерть бл. п. Министра, хотл своим численным участием зложити последний голд Его тлінным останкам и заманифестовати свое прокляте для страшного морда и его зачинщиков.

Порядок удержовала сторожа пожарна. Вздож дороги, котром посувал ся поход, уставили ся ряды войск и много населеня в народных строях.

Тлінны останкы бл. п. Министра зложено на городском кладбищі в родинной гробниці, прикрашеной бесчисленными вінцами, среди котрых находили ся также два, даны от лемков.

НА ПРОДАЖ:

В Высові повіт Горлицы продаєся
В моргов скомасованой землі
в одном кавальци.

Блиszych информации уділят на місци
в Высові управ. школы Г-н Полошынович,
и в Горлицах Д-р Ярослав Сьокало.
Часть землі надаєся на будовляны парцелі.

Польско-совітска торговля.

В последние дни в торговых отношениях между Польщом и С. С. С. Р. наступило оживлене. Ведутся переговоры о новых польских доставках для С. С. С. Р. медже иншими совіты хотят купити для металлических фабрик.

Патенты на друге полроче.

Скарбова Палата выдала распоряджене, отвітно котрому от 20—30 червня мають быти выкуплены екзизны патенты на пиво, торговлю дрожжами и т. д. через вшиткых тых, котры выкупили патент лем за перше полроче. Тым, котры не выкупают патентов в назначеном термини, замкнут склепы.

Выстава сов. книжки.

В том тыждни в Варшаві отворено выставу советских книжок. На откриты той выставки приїзджат делегация от сов. издательских товариств во главі с председателем организации «Международная Книга» Ионовым.

Из Москвы прислано на тоту выставу 15.000 книг. Книги-экспонаты представляют собою белетристику и научны труды ис рижных отраслей.

Общество социального обезпечения.

В Варшаві организуют приватне Товариство социального обезпечения (асекурации), котре начне функционувати при конці того місяца. Бюра того Товарищества будут розміщены по других містах. Тота асекурация предвиджає запомогу членам родини в случаю смерти асекурованого.

РУСКЕ КУПЕЛЕВЕ ЗАВЕДЕНЬЕ

Вапение Эдрой коло Горлиц

Купелі сірковы, боровиновы, муловы,
квасоуглевы лічат:

ревматизм (гостец) дну, болізни
женскы, ожирене и иншы. Ново-
отвореный басен, пляжа, тенис.

Сезон от 15 мая до 30 вересня.

Информации уділят дирекция Заведеня в Вапennom.

DRUKARNIA „PRZYSZŁOŚĆ“

TELEFON 281.

KRYNICA ZDRÓJ

UL. KRASZEWSKIEGO 114.

TELEFON 281.

WYKONUJE WSZELKIE ROBOTY
W ZAKRES DRUKARSTWA WCHODZACE

PO CENACH NADER NISKICH!!

WYKONANIE SZYBKIE I SOLIDNE.

Едність и згода буде, незгода руйнує.

Посмотріть на тоти великі народи, котрі тепер займають перше місце в цілому світі. Діє того дошли вони при помочі згоди и єдності.

На перший вигляд видається, што згода и єдність не можуть мати великого значення и впливу на розвиток економічних сил у якогось народу. Такий погляд на справу єст однак мильний, бо тоти дві заповіді сут конечні до здобуття ліпшої будучности под виглядом національним и соціальним. Видиме тото на кождім кроку і в родині як єст згода, то там панує и добробут, а ище ліпший маме примір на селах, в котрых люди живуть медже собою в згоді и єдності.

В таких селах мають народний дом, читальню и кооператив, а в неділю молодеж и газдове не идуть до корчмы (бо такой там уж нїт), але идуть до народного дому и читальні и читають там газети, поучаючи книжки и т. ин.

Як зас стоять тоти села, где нїт єдності и згоди, послужит нам за примір одно село на Лемках: Декаль в том селі не було релігійного роздору и ненависти, то було добрі. Подносилися читальня и кооператив и люди жили счасливо и весело. Тепер дошло до того, што ціле село представит руїну, с котрой користають вороги нашого народу.

Таких сел маме ваще, о котрых ту не буду ся росписувати, тілько зверну увагу на тото, ктоту незгору єст по наших руських селах.

В першій мірі сїють ю жолніри в реверендах, виходячи з Перемишля. Они то є казальницями Божого слова мечуть громи на руських діятеліх и на вшитко, што руске. — В них церкв, то средство, при помочі котрого хотят нас руських лемков перекрестити на зрадників и дикунов. Однак, братя Лемки, не зважайте на тоти поступки тых лжеслужителіх Ісуса Христа! Не винищили нас татары, не вивішали німцы, не зробят з нас и тепер зрадників наши братя мазепинцы. Молодеж руска, вшитки хлопцы и дівчата не смотте, ктотакый, православный ци уніят, вшитких нас редила одна мати Русь Свята. Німцы в часі світової войны не пытали нас, якої ми віри, лем, ци ми руськи по національності и за тото одно, же ми родилися руськими вівали нас и мордовали, а не за унію ци православє. Тому то ище раз взываю вас всіх, то єст старих и молодых уніятів и православных, найне буде ані одного села на нашій Лемковщині, где бы не было згоди и єдності. Покончме уж раз з тима релігійными борбами и всі, як оден муж, зробме общій національний фронт за нашу ліпшу будучність и за руську идею.

Лемко.

ГАНЧОВА:

В другий день Русаля єтслужено на нашом цментері панихиду за душою бл. п. Клементія Штеклі. Покійний минушого року перешол на православє. Он умер трагічною смертю в листопаді лонского року похорони єтслужил православный священник з Устя Руського.

Уніятський священник передвоєнний О. Т. на проповіді в церкві 3/VI. в Ганчові

почал в страшный способ вызивати „ба тюшковє“ и всіх людей, котры взяли участь в панихиді на цментері. Звернувся таже до уряду громадского, шгобы в будучности той „сволочи“ не впускати до села. В своєй ненависти забыл о. Т., што при кождом Богослуженію выпоминат слова: „Возлюбим друг, друг!“

Я не православный, я вірний гр. кат. Церкви, але повім Вам стче Т. коротко, што за такую науку в церкві належалобься выгнати зо села, але Вас, бо православный єтслужил панихиду и пішол, не зробиешы людям ниякой кривды, але вы, єгомость, припомните собі 1914 рок, т. є. рок страданя руського лемка, чом то вы там не были, где другы? Ви втотчас в Ганчові будували украину, зберали руськи книжки и отдавали до Горлиц. Памятає глухого Вандзиляка, котрый, бач, читат стары, руськи книжки, отже єст москвофил? А не знате вы, ктот дал горлицькому старості выказ вшитких москвофилов з Ганчовы. Был там втотчас оден господар з Бодаков.

Маме в Ганчові двох добродієв—Васи и Набесара; оден показовал, а другий зберал и под багнетом провадил. А недавно, може 3 роки тому, як прозывали вы на проповіді в церкві свих парохиян: „Вы туркы, вы татары“ Ци то такой любові учил Спаситель? Так, єгомость, ліпше буде не чернити людей и не робити політику в церкві, лем прочитайте євангелію и дайте з неї приклад людям так, як правдивый учитель науки Христа. Вы знате добрі, што як бисте так робили на другом селі, то бы Вас давно прогнали на тоту Украину, где ся кождого року выбирате, але якоси не идете, бо такого раю, як в Ганчові, нигде не найдете. Як хцете отже у нас сидити, то сидте, але тихо, не черняйте и не кричите на людей на проповідях—бо сами выйдете зле на том.

Лемко з Перегибы.

Ропкы повіт горлицький.

Наше село, барз бідненьке, числит всего 60 номеров. Нїт у нас кооператива, ані склепу, и за кождом дробницєм треба ити до сусідного о 4 км. отдаленого села. Причина того лежить в том, што мы не маме проваторов и трудової ихтелигенції, котра бы помогла заложити нам кооператив и поддержала читальню, существуочу у нас на папері; вкладок до читальні не платит у нас никто от двох роков и никто до ней не ходит, бо нїт кому занятися організацієм села и заохоченєм до просвіты. Маме, правда,

барз доброго єгомостя, котрый дойждат до нас со сусідного села Ганчовы кождой третей неділі, але тот єгомость вмісто поддержати нашу читальню и заохотити людей до читаня книжок читальняных, намагаєт людей до читаня газети „Бескид“ и „Наш Лемко“ и робит тима газетами торгівлю в церкві. Находяться однак в нашом селі дакотры таы котры уважають собі за честь купувати газеты и книжечкы от єгомостя, але их єст не дуже. Векша часть села, то свідомы руськи люди, котры тримаются твердо своєю віри и руського имени. Тоти отверто отповідають єгомостьови, што українських газет не хотят и што мають свою руську газету „Лемко“. На тых и на Лемка маме ся єгомость и кричит што „Лемко“ бреше, як пес (може бы вы єгомостюню дали нам доказы на тото, к. ли Лемко писал неправду—ци може втотчас, як описовал Васи громи на тых, котры посли помолитися на гроб пок. Клем — Штеклі за редакту). Але пес песом, пес песом уродится и песом здохне, але вы єгомость родились руснаком, а што сталося з вами тепер? Чтот вы тепер отрєкаєтесь своєю руськості и называте себе якимсь украинцом? Чом и людей хочете перавробити на иншу національність? Ци не честнійше было бы ємарті тым, чим мати вродила? Ой, єгомость, дайте спокой той цілої політиці, бо лем ганьбу и сміх на себе отягате. Ліпше, доправды, єгомость, уживати казальницю до того, на што она презначена, ліпше буде, если вы в церкві обісните нам слова св. писма и выголосите Слова Божі, котрых мы барз давно у нас в церкві не чули. Все лем політика, або дях на клєбанні. Уж нам тото змерглося, бо мы хцє и не єгомості, але видиме и аніме, же єст о чом в церкві и з казальниці бесідувати.

Килькож то людей у нас не было ище до сповіди в том року, а знате, чом не были, бо не мають 10 гр. заплатити за сповідь, а тых дробних гріхов не выпадаєт им брати на борг, тай ждуть, аж отворит ся рух в Крыниці, може попродадут даякы яйця або ягоди и узберают гроши.

Не знам, як то єст тепер, але памятам, же давнійше єгомостьове не брали нич от сповіди; таксамо я крестил 12 дітей и не платил я николи за впис до метрики, а тепер єгомость берут за впис по 2 зл. — Може бы дакто выяснил мені, на яком основанію платиме мы вшиткы тоти требы, бо я на правду не знам.

Лемко з Ганчовы.

Поміщайте оголошеня в газеті „Лемко“.

Ктот хце прислужитися нашой газеті нехай зберат оголошеня зміст и сел повітов Леско, Сянок, Кросно, Ясло, Горлиці и Новый Санч.

KRYNICA-ZDRÓJ

Pensjonaty: willa „Karpacka“ i „Złota Brama“, centrum zdrojowiska, tuż nad deptakiem, w pobliżu łazienek i zdrojów. Bieżąca zimna-ciepła woda. Werandy. Dobra kuchnia, na żądanie dietetyczna. Ceny niskie.